

13
DISSERTATIO MEDICA,
INAUGURALIS,
DE

Hepatis Inflammatione.

QUAM,
ANNUENTE SUMMO NUMINE,
Ex Auctoritate Reverendi admodum Viri,
D. GULIELMI ROBERTSON, S.S. T.P.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,
Et nobilissimae FACULTATIS MEDICÆ decreto;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;

Eruditorum examini subijcit

SAMUEL MACAY,
HIBERNUS.

Soc. Chem. Sod.

Ad diem 12. Septembris, hora locoque solitis.

EDINBURGI:
Apud BALFOUR et SMELLIE;
Academiae Typographos:

M,DCC,LXXXV.

DISCOUNTED

IN A FURTHER

FOR THE YEAR

REPORT

OF

THE YEAR

1880

D. C. GILBERT

AND

ASSOCIATES

OF

THE

STATE

OF

NEW

YORK

1880

1880

1880

AT

AMUEL

AND

ASSOCIATES

OF

THE

Celfo ac nobiliffimo viro,

GEORGIO MACARTNEY,

Baroni de Macartney,

Honoratiffimū Ordinis Balnei Equiti,

&c. &c. &c.

Mōrum humanitate,

Omnibusque cæteris virtutibus,

Insigniter ornato,

Ob magna in fuos beneficia collata,

Hasce studiorum primitias,

Maxima obfervantia,

Sacras eſſe

Voluit

SAMUEL MACAY.

Celle ac nobilissimo viro

GEORGE MACARTNEY,

Baron de Macartney,

Baron de Macartney,

Doctor & Spenser
with Compl. from
his Lth Serv^t
S. Macay.

DISSERTATIO MEDICA,

INAUGURALIS,

DE

Hepatis Inflammatione.

HEPATIS inflammatio, a quibusdam auctoribus, rarissime sese offerre dicitur; quod tamen ex auctoritate scriptorum magni nominis, ac phaenomenis quae, sectis cadaveribus, se obviam tulere, nobis denegare licet. Nil dubium quin rarius extitit in his quam plagis calidioribus, ubi saepenumero se ostendit; hac ratione vero haudquaquam attentione indigna. Quod haud dubie cuique facile persuadebitur, secum reputanti, quibus maximi momenti

A

functionibus

functionibus in oeconomia animali hoc viscus inservit, quantumque periculi huic, illo neglecto, imminet.

Hepatitis a Sauvagesio in species complures dividitur, sicuti erysipelatosam, pleuriticam, &c. Sed quatenus hoc aequum sit, neque satis constat, nec, fateor, quid in praxi profit, compertum habeo.

Illa praestantius dividatur in speciem acutam et chronicam; quoniam hae revera inter sese differre videntur. Namque illa semper quosdam habet characteres, quibus eam subesse non temere concludimus: Haec vero saepe nullos. Et profecto adeo mitia hujus symptomata sunt, ut non solum medico in dubio sit, eam instare, sed ne quidem ab ipso aegroto percipi possit, donec eo pervenerit ut ingens intentat periculum. Itaque, hac specie penitus praetermissa, de hepatitide acuta solummodo tractare statuimus.

Hujusce morbi definitionem nosologi quidam, minime perfectam, tradiderunt: Sed Cullenus noster celeberrimus solertia ingenii

ingenii sibi propria descriptionem illius longe praestantissimam exhibuit, quam ideo exscribere fas sit.

DEFINITIO.

‘Pyrexia, hypochondrii dextri tensio, et
 ‘dolor saepe pungens, pleuritici instar, sae-
 ‘pius obtusus; dolor ad claviculam et sum-
 ‘mum humeri dextri; decubitus in sinif-
 ‘trum latus difficilis; dyspnoea; tussis sic-
 ‘ca; vomitus; singultus.’

HISTORIA MORBI.

Morbus solitis cum symptomatis pyrexiae incipit. Ægrotus sensum habet frigoris, quod cito excipiunt calor, et ab omni parte molestia. Dolor saepius obtusus, una cum calore

4 DE HEPATIS

calore insigni, hypochondrium dextrum afficit; nec raro lobum sinistrum usque ad cordis scrobiculum pertingit. Pressura quoque ut et respiratione, praecipue vero inspiratione, multum ingravescit. Sitim aegrotus initio queritur, quae progrediente morbo magis magisque urget. Cutis plerumque calida aridaque. Pulsus saepe plenus, durus, et validus, interdum vero molliorque frequens. Semper fere tussis subest, nonnunquam humida, saepius autem sicca. Adsunt plerumque singultus atque vomitus, et hic biliosus sane praecipue, qui rarissime concava hepatis parte affecta lacessere desinit. Multum efficitur doloris in latus sinistrum decumbendo; et saepe aegrotus non sine molestia in dextrum decumbit; qua ratione quiete modo fruitur supinus. Dolor interdum pungens claviculam et summum humeri dextri petens, hunc morbum semper fere comitans, symptoma est, quod affecta praesertim hepatis superficie convexa fieri dicitur. Hypochondrio admeta pressura dolor subito au-
gescit:

gescit: Eademque amota aequè subito levatur. Facies flava interdum subest; aliâque signa icteri; hoc vero solummodo evenit, postquam inflammatio ad fellis vesiculam usque, vel ad quosdam e poris biliariis, sese extendit. Alvus nonnunquam proluvie laborat; saepius autem adstringitur.

Lingua, quae raro pura, saepe crusta subflava obtegitur, atque aeger saporem plerumque ingratissimum persentit. Cum morbus ad certum stadium pervenerit, torporem dextrum brachium, femur, crusque corripuisse notatum est. Hic morbus superficiem convexam saepius quam concavam tenere fertur: Tamen inflammationem semet totam per hepatis superficiem porrigere, visceraque contigua invadere posse constat.

Exitus hujus morbi cum exoptandus, tum etiam, si initio illius satis fuerit curae, frequentissimus resolutio est. Hac ratione finito, symptomata paullatim vi sua amissa, partisque textura incolumi, prorsus recedunt. Diarrhoea biliosa saepe resolutionem ante-

antecedit : Aliquandoque faeces sanguine sunt admixtae propter haemorrhoida, quam auctores hunc eventum felicem indicare observarunt. Haemorrhagia e nare dextra, fudor calidus atque copiosus, urina multum sedimenti dimittens, resolutionem comitantur.

Nec forsan expectorationem et eruptionem erysipelatofam silentio praetermittere fas sit. Si paucis in diebus post morbi impetum nulla ex his signis faustissimis se ostenderint, inflammationisque symptomata magis magisque saevire videantur, timendum ne suppuratio supervenerit, quam horrores, quibus tunc temporis aegrotus laborat, pulsus plenus et mollis, una cum partis pulsatione, haud dubie jam extare indicant. Quinetiam tumorem in hypochondrio evidentem esse verisimile est, ac forsan percipi possit fluctuatio.

Hoc morbi stadium est quo extremorum torpor, de quo supra diximus occurrere notatur. Auctores schirrum sub finem hujus morbi accedere memorant. Rem aliquando

do ita se habere minime denegare vellem : sed nonne schirrus quibusdam in exemplis potius pro hepatitidis causa quam effectu habendus sit ?

Necnon de gangraena, ut morbi hujus sequela, quidam mentionem fecere. Sed quādocunque ita est, spem omnem aegrotantem ad sanitatem redigi posse vanam atque irritam exitus infauſtus efficit : Cujus instantis debilitas insignis amotusque dolor clara exhibent indicia.

DIAGNOSIS.

Morbi, qui praesertim in errorem abducere possunt, diagnosi facientes, pleuritis sunt, gastritis, enteritis, externorumque tegumentorum inflammatio. Horum primus, nempe pleuritis, symptomata nonnunquam adeo hepatitidis similia edit, ut utra adsit, attentione haud parva dignoscere opus est : Et revera illa pro hac tractata fuit, cujus

cujus Cullenus noster ingeniosus in praelectionibus suis exemplum praebet. Tametsi hujusmodi ab errore, quoniam utrique methodus medendi fere eadem est, paululum periculi oriri possit, nihilominus illas fecernere fatius esse duco. Si animum rite symptomatis attendamus, vix unquam in dubio erimus; nisi forsan et haec et illa simul adsint, quod quidem fieri possit; nonnullae namque causae, quae unam, alteram quoque efficere valent. Pleuriticus plurimum doloris in latus affectum decumbens sentit. Hic inspiratione gravior evadit, adeo ut respirare videatur diaphragmatis auxilio, cujus sola ferè causa est, quod adeo ingravescit dolor motu musculorum intercostalium. Res nunquam fere non aliter in hepatitide sese habet. Namque in latus sinistrum decumbens maxime aegrotus dolet, ac respirationem minus difficilem sentit. Hanc quoque magis muscoli, qui inter costas sunt, quam diaphragma, quod, inspiratione plena, descendens, hepar premit, doloremque excitat, efficere videntur. Dolor

cla-

claviculam petens, quo tam saepe hepatitis stipatur, rarius in pleuritide subest. In illa plerumque tussis sicca; in pleuritide frequentius humida. Praeterea, in hepatitide facies plerumque pallida, plumbeumque colorem referens; in pleuritide florida est, atque saepe plus minusve oculi inflammantur. In pleuritide raro vel nunquam adest vomitus; sed hepatitidis symptoma admodum frequens est.

Hepatis inflammationem a gastritide discernimus, praecipue dolore in hoc morbo magis ventriculi regionem vexante, febre typi typhoidis, atque vomitu, qui tam saepe citoque aliquo in ventriculum recepto, movetur. Dolor quem efficit enteritis praecipue regionem tenet umbilici, et, gastritidis instar, insigni debilitate stipatur; ad hoc, alvus pertinaciter adstricta est. Cum inflammantur integumenta, dolor pressura etiam levissima augebitur, ac plus minusve rubedinis fere cerni potest, praesertim si muscoli externi afficiuntur: Quorum si interiores inflammationis sedes sint, unaquaeque

B

corporis

corporis positio qua extenſi fiunt, illa, veluti horizonti respondente, vel in latus contrarium propenſa, dolorem adaugebit. Tuffis et vomitus hic non aderunt. Cuiquam in dubio fore de diagnosi hepatitidem inter et ſplenitidem, colicam, vel peritonitidem, vix duco. Quoad colicam vix pyrexia ſtipatur: Caeteroſque nec vomitu, nec apud claviculam dolore, notare tantum opus eſt.

CAUSÆ REMOTÆ.

Has in praediſponentes excitanteſque dividere licet.

CAUSÆ PRÆDISPONENTES.

Omniſ cauſa eo ſpectans quo inducat ſtatum illum corporiſ, cui nomen diatheſeos phlogiſticae

phlogisticae inditum, ad hunc aequae ac alios morbos inflammatorios proclivitatem efficiens haberi debet, qualis victus liberalis, usitatae evacuationes obstructae, &c. At causae praedisponentes sunt quae sedem in hepate ipso tenent, quales concretiones, tuberculaque schirrosa. Hae mechanice quasi agunt, hujus organi vasa impediendo, qua ratione adeo irritabilia fiunt, ut levis causa excitans morbum inducere queat. Causas inter praedisponentes etiam febres intermittentes, quae fortasse omnium frequentissimae, recensere liceat. In omni stadio frigido, sanguis in vasis hepatis, quae inde distenta irritabilitatem sibi adsciscunt, quae morbida dici potest, accumulatur. Hac congestione fiet redundantia bilis, quae, vel quantitate vel sibi propria qualitate, non parum irritationis producere potest. Sic, ut videmus huic aequae ac aliis hepatis morbis, incolae plagarum calidarum, calore bilis secretionem promovente, praecipue obnoxii sunt.

CAUSÆ

CAUSÆ EXCITANTES.

Hæ præcipue sunt exercitatio gravis, frigus, vel interne per ventriculum admotum, vel externe corpus dum calidum in aquam frigidam immergendo, vel denique frigus quocunque modo tali applicatum, qualis spasmus in superficiem inducere queat: Hoc enim effecto, sanguis necesse in partes interiores, ac præsertim hepar, recedet, ubi primum congestio fiet, atque inde inflammatio. His, vim externam, quales ictus in hepatis regionem, lapsus, fractumve cranium addere licet. Quomodo vis externa inflammationem excitet abunde constat; quem vero effectum præset fractura cranii mihi quidem perobscurum videtur, et sane rem credo perdifficilem fore hunc nexum cranium inter heparque explicare. Auctores memorant hujus morbi causas esse pathemata animi; sed quomodo

modo effectum suum edunt, nullus, quantum cognovi, rationem claram aperuit. Profecto haud facile explicatu. Pathemata excitantia, aiunt, actionem systematis sanguiferi adaugent, atque ita inflammationem inducunt: Dum deprimentia sanguinis circuitum tardum languidumque reddendo agunt, et sic congestionem in hepatis vasis promovent. Fundamento quam stabili explicatio haecce innititur dijudicare nequeo: Attamen pathemata, aut haec, aut illa, rarissime hepatitidem adferre, opinari magnopere adducor. Species hujus morbi chronica acutam facile progignere possit, quae videtur sedem tantummodo in membrana vestiente habere, dum illa parenchyma, seu partem hepatis internam, tenet.

RATIO SYMPTOMATUM.

Quandoquidem plurium symptomatum non opus est explicatione, haec solum
 quae

quae definitio continet, tractare mihi in animo est.

Hypochondrii dextri tensio et dolor.—Unaquaeque pars corporis inflammatione laborans hoc modo afficitur. In omni casu a nimia vasorum tensione pendet, quae ita sensibilitatem insolitam acquirunt.

Saepe pungens pleuritici instar, saepius obtusus.—In hac morbi specie, dolor, ut opinor, plerumque acutus est; siquidem obtusus sit, est, cur timeremus morbum in parenchymate vel hepatis substantia sedem habere, quam, ut modo diximus, species chronica tenet: Huic parti parum sensibilitatis inesse notum est, ideoque dolorem obtusum esse oportet. Quocirca hunc dolorem pleuritici instar semper, ac solum in specie acuta subesse; at prout sedes inflammationis facies sit superior vel inferior, gradu differre, et, inferiore solum affecta, minus intensum esse, duco.

Dolor

Dolor ad claviculam et summum humeri dextri.—Hujus ratio apta adhuc non red-
dita : Auctores alii alias explicationes in
medium protulere. Nonnulli communica-
tioni nervos inter dextri lateris, phrenicos
et cervicales, factae, dum alii quibusdam
oscillationibus a peritoneo inflammato,
pleurae et ita claviculae impertitis, attri-
buerunt. Dicunt quoque alii a quadam
adhaesione hepar inter et diaphragma fac-
ta (quod semper fere se habet) pendere,
illiusque pondus hoc deorsum trahere, at-
que ita per mediastinum contiguum clavi-
culae dolorem communicare ; quod mihi
videtur explicatio verisimillima.

Decubitus in latus sinistrum difficilis.—
Ita posito corpore, hepatis ligamenta, idque
potissimum quo costis falsis nequitur, disten-
duntur : In omni fere casu, plus minusve
inflamman-
t^{ur}, ideoque distentionis etiam
minimè impatientes.

Dyspnoea

Dyspnoea et tussis sicca.—Spirandi difficultas, affecta hepatis facie superiore, praecipue molesta est, quo in casu inflammatio quaedam, ut verisimile videtur, septo transverso vicino impertitur, quod inde motus illius respirationi liberae proprii impatiens fit. Eadem ratione diaphragma pulmones irritare, et sic tussim movere possit; quae tamen non semper sicca; namque excretionem, praesertim si irritatio insignis fit, a bronchiarum folliculis mucosis auget, atque interdum humida fit.

Vomitus et singultus.—Ventriculus organum est, quod, quippe summa sensilitate praeditum, irritatione levissima affici potest: Quoniam sub hepate proxime positus est, vomitum ab inflammatione ei impertita, vel solum ab irritatione pendere probabile est. Irritatione parva nausea tantum, majore autem, suberit vomitus. Interdum motus ipsius duodeni peristalticus invertitur, quam ob causam bilis quantitas ejicitur.

Nil

Nil aliud singultus est praeter diaphragmatis motum convulsivum, ideoque unaquaque irritatione insigni inducendus. Hic praecipue adest affecta superficie convexa; contactu, vel irritatione effici, aut ab adhaesione, quae diaphragma impedit ne rite sursum trahatur, pendere possit.

CAUSA PROXIMA.

De inflammationis causa proxima inter auctores, qui de rebus medicis scripserunt, multum certatum est: Alii longe aliter illam explicarunt. Horum varias recitare sententias, quarum nonnullae maxime fuisse hypotheticae, omnesque reprehensione dignae, molestum non minus ac supervacaneum foret. Una fortasse breve per tempus celebratur, caeterum, non multum post, illius errore patefacto, et huic alia suffecta, respuitur, mox sua vice fortem eandem subitura. Sententia potissimum ab errore

C

libera

libera haec est Culleni clar. quae, si non prorsus perfecta, melius tamen quam ulla alia in lucem edita, inflammationem comitantia, explicat, scilicet, ‘arteriarum extremarum spasmus actionem auctam sustinens.’ Talem vasorum statum extare ab excretionibus sudoris et urinae, ut in febre, diminutis, colligere fas est. Quinetiam his principiis remediorum modi operandi, quae ad inflammationem curandam efficacissima reperta sunt, rationem reddere possumus. Itaque vasorum extremorum spasmus hepatitidis causam proximam ponere mihi videtur; exinde hunc morbum, sedem solum in ramis arteriae hepaticae habere, fere concludere liceret: Cum vero in memoriam revocamus portarum venam, hepatis introientem munere arteriae fungi, et, uti vult etiam Monroius ipse cel. nemini scientia in anatomica secundus, structura arteriali gaudere, quin illa quoque efficiatur, dicere non possumus; ubicunque enim fibrae sunt musculares, ibi simul irritabilitas suberit. Boerhaavius, ejusque interpres

terpres ill. Van Swieten, venam portarum affici quoque censent : A quibus autem dissentiunt auctores complures, inter quos Cullenum eruditissimum, cujus opinio in omni controversia plurimum valet, numerare licet. Cum tanti inter sese viri adeo discrepant, quis rem tenet, discernere perdifficile est. Fibrarum muscularium in vena portarum demonstratio rem solummodo enodare potest.

PROGNOSIS.

Hujus morbi prognosin facientibus, quifnam inflammationis gradus sit, et quamdiu extiterit, nobis perpendendum. Si nulla resolutionis symptomata ante diem decimum sese ostenderint, est cur abscessum formandum periculum insigne portendens timeremus, eoque magis si superficiem teneat concavam ; namque pus in abdominis cavitatem verisimiliter effundetur, brevique illic stagnans, tam acre evadet ut intestinorum

rum

rum ventriculique tunicas erodat: Praeter hanc finem infaustam, timoris etiam causa erit ne pus in systema absorbeatur, et sic febris hectica excitetur. Attamen casus hoc modo finem facientes non infauste terminare relati fuerunt. Cullenus cel. hepatitidis in praelectionibus exemplum reddit, cui, diaphragmate eroso, materiae purulentae expectoratio feliciter finem imposuit: Nihilominus felices exitus tales certe perpauci sunt; sic, me iudice, vix in ullo abscessus casu nobis fundamentum erit eventum felicem fore credere, nisi quod tumor extrorsum sese projecerit. Atqui, si morbus inter sex septemve, post impetum, dies, vim suam minuat, et evacuatione insigni, ut sudore copioso, urina turbida, &c. comitetur, tunc quicquid felix faustumque sperare liceat. Singultus, si vehemens sit, infaustus haberi debet. Sitis violenta, extremorum algor, dum partes internae calidae sentiuntur, sudorque circa faciem et cervicem, periculum maximum praedicunt. Superveniente gangraena, mors solummodo aegrotum

grotum miserum a malis, quibus laborat, eripere potest.

METHODUS MEDENDI.

Huic morbo medendi methodus in consiliis sequentibus contineri possit.

1mo, *Resolutionem efficere; et, si hoc fieri nequit,*

2do, *Suppurationis effectibus, quantum fieri possit, occurrere.*

3tio, *Symptomata quae potissimum urgent levare.*

Consilio primo accommodatur quicquid sanguinis impetum minuat, vel vasorum extremorum spasmum tollat.

Hic regimen antiphlogisticum maxime necessarium est, quo neglecto, remedia alia parum pollere verisimile est. Quicquid igitur

gitur ad vasorum ullo modo actionem augendam spectet, qualis diaeta stimulans, nimius calor externus, caute evitandum. Venaesectio, et generalis et topica, plurimum valet, ac quo citius eo melius fit: Et copiose mitti debet sanguis; namque detractio subita vasorum tensio magis minuitur. Utrum venaesectio repeti debet, aegroti vires, resque aliae, optime monebunt.

Nonnulli brachio dextro sanguinem detrahi jubent; sed, quam ob causam, hoc alteri anteponendum non mihi constat. Effectus boni quos edit venaesectio topica nunquam non patebunt. Cucurbitulis cruentis aut hirudinibus uti licet, quibus hypochondrio adhibitis, illius dolor tensioque citius quam quovis modo alio tolli possit.

Quaedam ex remediis quibus nomen *Refrigerantia* inditum est, qualia acida, ac praesertim ea quae vegetabilia sunt, e. g. aurantia dulcia, aliique fructus subacidi, ad actionem systematis minuendam maxime idonea sunt. Sal nitri, sicut refrigerans multum, nec opinor, sine causa laudatur:

Quoniam

Quoniam vero plerisque, sub omni fere specie, ingratum, adeoque facile nauseam excitat, sic hoc in morbo, cujus interdum vomitus symptoma tam urgens, vix recipi existimo. Contra, acida jam memorata aegroto grata erunt, quippe quae sitim saepe molestam restinguent, tum simul alvum solutam dabunt.

Hic, purgantia, quasi ad vim sanguinis circuitus imminuendam, spasmusque intestinorum vasa afficientem amovendum, idonea memorantur: Si tamen ex his ulla recipiantur, mitissimi generis praecipue esse oportet, qualia manna cum sale rupell. crem tart. vel infus. tamarind.

Purgantia drastica hic manifeste injuriae forent; et quidem, me iudice, haec magna ex parte, enemata laxantia et emollientia, inutilia reddunt; haec namque intestina omni materia faeculenta, quod stimulare, expurgant: Praeterea qualitate sua intestinum laxandi fovendique opem ferunt, et sic organo affecto per coli medium effectus bonos impertiunt. Fomenta calida parti ad-

mota,

mota, et emplastra epispastica, multum profunt. Fomentum vasa constricta nimisque distenta laxando, ad superficiem derivationem efficit, atque sic spasmus plus minusve adimit. Sed etiam efficaciora sunt epispastica; quia illis est potestas vasa altius posita afficiendi, quam ob causam in unaquaque fere inflammatione interna utilia sunt. Igitur hoc in morbo, sanguine detracto, ea, iterum iterumque, donec boni eorum effectus sese ostenderint, adhibere licet. Quo propius parti dolenti adhibentur, eo effectus meliores expectandos observare vix opus est.

Potiones tepidae, lenem excitando diaphoresin, hic maxime idoneae videntur; at quantitas in ventriculum recepta mediocris esse debet, quia distentione ejus hepar irritabitur. Quod ad diaphoreticorum fortiorum exhibitionem attinet, ea admittere nollem, prius saltem quam quoddam relaxationis signum sese in superficie ostenderit; inde, quae nauseam non movebunt feligere oportet. Haustus salinus idoneus erit.

Eme-

Emetica quovis modo exhibita parum accommodata videntur: In dosibus plenīs, hepar agitando, semper nocebunt; et in dosibus nauseam moventibus, ea, propter ventriculi irritabilitatem, illic non sat diu mansura, ut felices praeſtent effectus, verisimile est.

Secundo consilio, scilicet, *suppurationis effectibus occurrere*; quicquid puris exitum paret, accommodatur. Si externe se projecerit abscessus, hoc operatione chirurgica fieri potest: Si res non ita se habet, verisimillimum est pus in abdominis cavitatem exoneratum iri. Hoc in casu periculum insigne esse jamjam notavi; probabiliter febris hectica succedet, aegrotum e medio sublatura; cui ideo, cortice Peruviano, in substantia et dosibus quam maxime largis, administrato, caute ac prudenter occurrere oportet. Quibusdam etiam e salibus neutris acidisque uti licet: Quoniam ad febre[m] hecticam alleviandam haec pollent, hic etiam utilia fore concludimus. Vinum

D

quoque

quoque ad aegrotum viribus jam confectum alendum exhibeatur.

Quod ad consilium postremum attinet, nempe, *symptomata quae potissimum urgent, levanda*; haec praecipue vomitus et singultus sunt. Vomitus ad sublevandum, remedia nauseam moventia vitanda, nisi a bilis quantitate in ventriculo pendere videatur, quo solum tempore emeticum tenue exhibeatur. Vomitioni haustus effervescentes felicissime obviam it.

Singultus nonnunquam admodum molestus est et violentus, quidem funestus habendus; quapropter quam maxime nobis sublevandus est: Hoc optime efficere opio poterimus; quod, si id respuit ventriculus, injectione per anum adhibeatur. At, nisi vim suam amiserint symptomata febrilia, non officere non potest; enimvero diathesis phlogisticam augebit. Caeterum, si hoc symptoma gravissimum est, utcunque cadat, dosin parvam admoveere auderem.

Denique, ad hepatitidem curandam mercurius ab iis, qui artem medicam in Indis Orientalibus

Orientalibus exercuerunt, remedium speciale laudatur. Quatenus autem, in specie hujusce morbi chronica, admotus, quae credo ibi frequentissima grassatur, hanc laudem meretur; acutae accommodatum non equidem existimo: Plerumque remedium stimulans esse conceditur; unde huic, non fecus ac cuique inflammationi acutae, injuriae fore, censere adducor. Ad hepatitis obstructions amovendas, remedium esse efficacissimum, nemo inficias ibit.

F I N I S.

